



UNIVERSITÄTS-  
BIBLIOTHEK  
PADERBORN

# **Facilis Et Succincta S.S. Canonum Doctrina**

**Pirhing, Ehrenreich**

**Dilingæ, 1690**

§. II. De aliis nonnullis effectibus sententiæ.

---

[urn:nbn:de:hbz:466:1-61641](https://nbn-resolving.org/urn:nbn:de:hbz:466:1-61641)

## §. II.

## De aliis nonnullis effectibus sententia.

Plures sunt etiam alii effectus sententiae definitivae. Et primò quidem, quod per illam lites seu controversiae finiatur *argu. c. Iurgantium 2. h. t. saltem* quoad instantiam iudicii, cum Iudex sententiam definitivam latae fundus sit suo officio, & quoad hanc causam Iudex esse desinat; quamvis eodem die, quo tulit sententiam, supplere adhuc possit, quae ad causam consequentia spectant, ut si omisit condemnare ad expensas litis, vel ad fructus restituendos &c. Imò si ordinarius Iudex est, non tantum declarare postmodum potest, sententiam à se latam nullam esse, sed denuo causam talem ex integro resumere potest, quia nullam sententiam ferendo non censetur suo officio functus.

Secundus latæ sententiae definitivae effectus dici potest, quod ea à superiore, si rite & iuste lata sit, sit confirmanda, prout sumitur *ex c. ea qua 4. h. t. si nimirum confirmatio talis à superiore postulata fuit ad majus scilicet latæ sententiae robur.*

Tertius effectus dici potest, quod nullum sit rescriptum contra sententiam prius latam impetratum, si hujus non fiat mentio, & consequenter etiam collatio v. g. beneficii, si facta fuit vi talis rescripti, nulli erit, prout sumitur *ex c. Cum olim 12. h. t. verisimile enim est, quod Papa v. g. tale rescriptum concessurus non fuisset, contra sententiam aut pronuntiationem prius à se factam, cum*

nemo in dubio praesumatur proprium factum impugnare, sed potius praesumatur circumventus, ita ut nec motus proprius praesumptionem hanc, quae juris & de jure est, corrigat.

Quartus effectus sententiae definitivae dici potest, quod interdum irroget infamiam Reo condemnato, qualiter in *L. Athletas §. ult. ff. de his, qui nota. infra.* statuitur de condemnatis in causa injuriarum, sive civiliter sive criminaliter de injuria agatur.

Quintus denique effectus sententiae definitivae dici potest, quod ex sententia pro Actore lata competat ei actio in factum, ad praestandum id, in quo Reus condemnatus est: quae actio sicuti haeredibus etiam actoris datur, ita etiam contra haeredes Rei datur. Reo autem absoluto per sententiam datur exceptio rei iudicatae contra Actorem, ejusque haeredem.

## §. III.

*Per quem, & quo tempore, modo, ac ordine executio sententiae facienda sit?*

Executio sententiae fieri debet ab eo Iudice, qui eam tulit, si quidem sit ille ordinarius, *L. à Divo Pio. 15. junct. Gloss. V. à se. ff. de re iudicat.* aut Papae delegatus. *c. In litteris 9. junct. Gloss. in casu & c. Pastoralis. 28. de offic. iud. deleg.* ita ut, si interposita appellatione Iudex appellationis prius latam sententiam confirmet, quam tulit Iudex à quo, ad hunc remittere debeat partes pro executione, ut iudicium, ubi latum est, ibi etiam perficiatur, ad meliorem Reipublicae & talium negotiorum ordinem. Et quamvis multi